


集部

全書集部

御史 邱文愷覆勘

武英殿養修侍讀學官異 敬



傳以冠之但舊所缺簡遍求不得完本今故 其卷尾缺目惟十七卷徐君順詩序一篇五 止將發缺為題列於各卷之末以俟補續云 十四卷題趙天放桃源卷後一篇五十七卷 云則此本乃残缺之餘非初刻之舊矣然檢 雖獲存者問亦残缺追永樂甲申始克取家 敢更改惟卷首增入年譜 神道碑行收國史 瓶 舊刻本重壽諸梓篇 数卷次悉仍其舊不

ロンマスノニマ

時盖以二人為南北學者之宗然衙之學主 色鴻葉有以知斯文未要景運方與云云當 真儒此有許衙南有吳澄所以恢宏至道潤 於寫臭以化人盗之學主於著作以立教故 又部揭後斯撰神道邵首稱皇元受命天降 初許衛之卒部歐陽元作神道碑及澄之卒 堂記末註此下有缺文而已所供尚不多也 題約說後一篇又三十七卷海南王先生祠

していてら これで 間

金八四月在書 尚裒然盈百卷衛之文明白朴質達意而止 字無不以拾有不必存而存者未免病於稍 元樂律八陣圖葬經之類皆有撰論而文集 监然此亦南宋以來納次遺集之通樂亦不 澄其尤彬彬乎 吳當 所編過於求備片言隻 世傳為齊遺書僅寥寥數卷而澄於注解諸 經以外訂正張子邻子書旁及老子莊子太 澄則詞華典雅往往斐然可觀據其文章論之

為當責矣乾隆五十四年二月恭校上 總 校官臣陸

			金文正真全書
			1
			,

たこううにんこう 周易雖一本諸伏義之圖而其取用盖各不同馬三易 是時易有圖而無書也後聖因之作連山作歸蔵作 義之易告在皇義始畫八卦因而重之為六十四 兴文正集 撰

之於是人乃知有伏義之易而學易者不斷自文王周 之繁解說卦而讀者莫之察也至宋邵子始得而發揮 既亡其二而周易獨存世儒誦習知有周易而已伏義 至尋流逐末而味其所自云爾 公始也今於易之一經首揭此圖冠于經端以為伏義 之易而後以三易銜之益欲使夫學者知易之本原不)圖鮮或傳授而淪沒於方伎家雖其說具見於夫子

連山夏之易局禮太上掌三易一曰連山二曰歸藏

我殺觀殿道是故之宋而不足徵也吾得坤乾馬說者 山夏因之以其首民故曰連山今亡婦蔵商之易子曰 卦序卦雜卦傳十篇夫子作秦焚書周易以占筮獨存 曰周易其經卦皆八其別皆六十有四或曰神農作連 漢志易十二篇益經二傳十也自魏晉諸儒分录泉文 周 曰歸蔵今亡 以坤乾為歸蔵或曰黃帝作歸蔵商因之以其首坤故 易上下經二篇文王周公作录象繁醉上下文言說

たこりる ハンラ

吳文正集

言入經而易非古註疏傳誦者苟且仍循以速于今宋 善雖於大義不能有所損益而於羽異遺經亦不為無 字闕行謬誤未悉正也故今重加修訂視舊本頗為精 東來先生日氏始考之以復其舊而朱子因之第其文 為秦博士焚書時生壁蔵之其後兵起流亡漢定生求 .1. 其書亡數十篇獨得二十八篇以教授于齊魯之間孝 補 二十八篇漢伏生所口授者所謂今文書也伏生故

天足四年 全等 十八宿盖不知二十八篇之外猶有書也東晉元帝時 有豫章內史梅蹟增多伏生書二十五篇稱為孔氏壁 其女傳言教錯齊人語多與顏川異錯所不知凡十 錯以意屬讀者也其問閱誤顛倒固多然不害其為古 文時求能治尚書者天下無有欲召生時年九十餘矣 三界以其意屬讀而已夫此二十八篇伏生口授而晁 不能行詔太常遣掌故晁錯往受之生老言不可晓使 也漢魏數百年間諸衙所治不過此爾當時以應二 具文正集

文古文之異何我晁錯所受伏生書以隸寫之隸者當 書二十五篇晉梅晴所奏上者所 晉世晚出之書別 中古文鄭冲授之蘇愉愉授梁柳柳之內兄皇甫 出伏氏二十八篇如舊以為漢儒所傳確然可信 古書在二十五篇之內者鄭玄趙岐章昭王廟 得之以授臧曹曹授蹟蹟遂奏上其書今考傳記 指為逸書則是漢魏晉初諸儒曾未之見也故 見于後以侯後之君子擇 謂古文書也書 馬 有 杜 謐 今 今 あ 狥

金ラビス

11111

增偽泰誓一篇也古經十六卷者即張霸偽古文書二十四篇 旅奏同命二十四篇目為古文書漢藝文志云尚書經二十九 稷五子之歌角征湯語成有一德典實伊訓肆命原命武成 文書不傳後有張霸偽作舜典汨作九共九篇大禹謹益 皆科斗書科斗者倉頭所製之字也故曰古文然孔壁真古 世通行之字也故曰今文魯恭王壞孔子宅得壁中所蔵 篇古經十六卷二十九篇者即伏生今文書二十八篇及武帝時

也漢儒所治不過伏生書及偽泰誓共二十九篇爾張霸偽

吴文正集

とこりを ハルラー

篇之書出則凡傳記所引書語註家指為逸書者收拾無遺既 金分四月全書 傳五十八篇孤行於世伏氏書既與梅順所增混清誰 十九有孔安國傳及序世遂以為真孔壁所蔵也 篇為三十三雜以新出之書通為五十八篇弁書序一篇凡五 有證驗而其言率依於理以張霸偽書遼絕矣析伏氏書二十八 古文雖在而辭義無鄙不足取重於世以售其收及梅騰二十五 陽氏所傳尚書止有二十九篇者廢不復行惟此孔壁 唐初諸儒從而為之疏義自是以後漢世大小夏侯歐 卷一

古之書無段梅順所增二十五篇體製如出一手采集補級 復能辨竊當讀之伏氏書雖難盡通然解義古與其為上 山聲牙大四代之書作者不一乃至二人之手而定為二體其 大可段乎吴氏日增多之書皆文從字順非若伏生之書詩 年古書最晚乃出而字畫畧無脱誤文勢畧無齟齬不亦 雖無一字無所本而平緩早弱殊不類先漢以前之文大十 中之物不說損一字者又曰伏生所傳旨難讀如何伏生偏 亦雜言矣朱仲晦曰書凡易讀者皆古文宣有數百年壁 吴文正集

此諸儒皆未見可疑之甚又曰書序伏生時無之其文甚 弱 記其所難而易者全不能記也又曰孔書至東晉方出前 以吴氏及朱子所段者如此顧澄何敢質斯段而斷斷然不敢 亦不是前漢人文字只似後漢末人又曰小序决非孔門之 又日孔傳并序時不類西京文字氣象與孔叢子同是 致極輕又曰尚書孔安國傅是魏晉問人作託安國為名耳 **復安國序亦非西漢文章又曰先漢文字重厚今大序松** 手偽書盖其言多相表裏而訓詁亦多出小爾雅也夫

弘定四庫全書

詩風雅順凡三百十一篇皆古之樂章六篇無解者笙 各冠篇首者復合為一以真其後孔氏序亦并附馬而 故今以此二十五篇自為卷表以别於伏氏之書而小序 信此二十五篇之為古書則是非之心不可得而昧也 詩也舊益有譜以記其音節而今亡其三百五篇則歌 因及其所可疑非澄之私言也聞之先儒云爾 辭也樂有八物人聲為貴故樂有歌歌有解鄉樂之 曰風其詩乃國中男女道其情思之解人心自然之

Cald distin

吳文正集

金号四届 台書 也故先王采以入樂而被之經歌朝廷之樂歌曰雅宗 我由漢以來說三百篇之義者一本詩序詩序不知始 之為樂矣而其所記之義亦豈能知詩人命醉之本意 一也經遭秦火樂亡而詩存漢儒以義説詩既不知詩 風因詩而為樂雅領因樂而為詩詩之先後於樂不同其為歌辭 於何人後儒從而增益之鄭氏謂序自為一編毛公分 用之因是樂之施於是事故因是事而作為是辭也然則 廟之樂歌口頌於莊饗馬用之於會朝馬用之於事祀馬

をとりましたか 龍去也至朱子始深斥其失而去之然後足以一洗干 明又當為之强詩以合序則雖曲生巧說而義愈晦 誰復敢索詩於序之外者哉宋偶頗有覺其非者而其 首也則未讀經文先讀詩序序乃有似詩人所命之 而詩文反若因序以作於是讀者必索詩於序之中而 序之非經本古者學者猶可考見及其分以真諸篇之 以真諸篇之首夫其初之自為一編也詩自詩序自序 之部溢當因是舍序而讀詩則雖不 民文正原 煩訓話而意自

者 與風雅合編盖因期附載云爾商頌商時詩也七月 今既無從考據不敢極為之紛更至若變風雖入樂 有康王以後之詩變雅之中而或有類乎正雅之辭 文王之二南西間有平王以後之詩成王之雅領而亦 金ラセスノー 而未必皆有所用變雅或擬樂醉而未必皆為樂作 今因朱子所定去各篇之序使不清亂手詩之正文學 則序之有害於詩為多而朱子之有功於詩為甚大也 因得以詩求詩而不為序說所感若夫詩篇次第 卷

大子 日南 かたう 風馬 時詩也皆異代之解故處頌詩風詩之末魯須乃其臣 故不能悉具澄竊謂三傅得失先儒固言之矣載事則 曰公穀二經所以異者類多人名地名而非大義所繫 書詩春秋四經於臨漳郡春秋一經止用左氏經文而 居東時詩非擬朝廷樂歌而作不得謂之雅故附之幽 秋經十二篇左氏公羊穀梁文有不同告朱子刻易 為樂歌樂歌以領其君不得謂之風故係之領周公 吳文正集

微意哉漢儒專門守殘錢闕不合不公誰復能貫穿異 嗚呼聖人筆削魯史致謹於一字之微三家去夫子未 按据之書而公穀多是傳聞之醉况人名地名之殊或 左氏詳於公穀釋經則公穀精於左氏意者左氏必有 久也文之脱謬已不能是正尚望其能有得於聖人之 語音字畫之外此類一從左氏是也然有考之於義 然見左氏為失而公穀為得者則又豈容以偏徇我 而有所去取至唐啖助趙匡陸淳三子始能信經駁

予奪未能悉當問當再為審訂以成其美其間不繁乎 大三日五 定之法而是經無不通之例不至随文生義以侮聖言 陸氏遺說博之以諸家泰之以管見使人知聖筆有 為主償義有不然則從其是左氏雖有事迹亦不從也 大義者趙氏於三家從其多今則如未子意專以左氏 未聞或之先也觀趙氏所定三傳異同用意**密矣惜其** 傅以聖人書法纂而為例得其義者十七八自漢以來 斷諸義而已嗚呼屬醉此事春秋教也甚欲因啖趙 \:*\j 吳文正集

海盖卿 翻有 金与四月分言 所取之義則俟同志者共講馬 録為優故鄭氏用之今行於世禮經殘闕之餘 録所傳十七篇次第各不同尊平吉凶先後倫序惟 篇為完書以唐韓文公尚苦難讀况其下者自宋王 禮十七篇漢與高堂生得之以授瑕邱蕭奮奮授東 山志而未服就故先為正其史之文如此若聖 仰授后蒼蒼授戴德戴勝大戴小戴及劉氏 禮 叙 銾 獨 بإمكد 别 别

自為 本為繫解文言說卦序卦雜卦諸傳共為十異居上下 **而為之惋惜竊謂樂經既亡經僅存五易之柔傳象傳** 禮 書於此至倦倦 書詩春秋四經而謂三禮體大未能緒正晚年欲成其 文公行新經義廢點山經學者亦罕傳習朱子考定易 ス・フ・ ハニー 畢而筆削馬無禄弗速送為萬世之闕典澄每伏 二篇之後者也而後人以入卦及之中詩書之序 編 居 國風 也經傳通解乃其編類草豪将侯喪 雅頌典謹誓語之後者也而後人 異文正集 t

銀定四年全書 除篇端小序合而為一以真經後春秋一經雖未服 序文與經混淆不惟非所以尊經且於文義多所梗礙 已久最後註左氏者又分傳以附經之年何居夫傅文 **冠各篇之首春秋三經三傳初皆別行公殼配經其來** 秋悉復夫子之舊五經之中其未為諸儒所別者惟二 校而亦剔出左氏經文併以刊之臨漳於是易書詩春 於易始因晁氏本定為經二篇傳十篇朱子於詩書各 歷千數百年而莫之或非也莫之或正也至東東日氏 詳

後 とこのほという 录泉停之附易經者有以異子否也經之篇也而以 定 禮 则 禮之一 必将 記篇補籍錯處於其間也與左氏傳之 縮 以異乎否也夫以易書詩春秋之四經 則經之章 經 **對之初不得不以儀禮為網而各疏其下脱豪** 然三百三千不存益十之八九矣朱子補其遺 有所 經又不幸而亂是豈朱子之所以相遺 科 也而以後記補記補傳分隸於其左也 Ą 别 、决不但如今豪本而己若執豪本 具文正集 附春秋 既幸而 經 經 JE, 傅 . .H) 者 闕 為

子之所望於後學者哉嗚呼由朱子而來至於今将 裁徒知尊信草創之書而不能探索未盡之意亦豈朱 如鄭氏本更不問以他篇点十七篇正經不至雜樣 其文不敢割裂一仍其舊附于篇終其十七篇次第並 年然而無有乎爾澄之至愚不肖猶幸得以私淑於其 成之事抑亦職分之所當然也是以忘其偕妄極 于所分禮車重加倫紀其經後之記依經章次秩 實受罔極之恩善総者卒其未卒之志善述者成其 因 Ō

銀六四日

全世

戴之記中有經篇者離之為逸經禮各有義則經之傳 墜於地者益界包舉而無遺造化之運不息則天之所 其重複名曰朱氏記而與二戴為三凡周公之典其未 氏心記朱子所輯及黃氏喪禮楊氏祭禮亦然伍以去 經次之傳終馬皆别為卷而不相紊此外悉以歸諸 也以戴氏所存兼劉氏所補合之而為傳正經居首逸 ということに 秩未必終古而廢壞有議禮制度考文者出所揭所益 百世可知也雖然尚非其人禮不虚行存誠主敬致 具文正集

一分完四年全書 十九篇藏在秘府謂之逸禮哀帝初劉散欲以列之學 **六篇河間** 後魯恭王壞孔子宅得古文禮經於孔氏壁中凡五十 澄也不敢自棄同志其尚敦弱之哉 力行下學而上達多學而一貫以得夫堯舜禹湯文武 官而諸博士不肯置對竟不得立孔鄭所引逸中雷禮 ?禮逸經八篇澄所纂次漢與高堂生得儀禮十七篇 孔之心伴吾朱子之學末流不至為漢儒學者事也 獻王得而上之其十七篇與儀禮正同 餘三

全篇矣投壺大小戴不同奔丧與逸禮亦異則知此二 投壺之類未有考馬疑古禮逸者甚多不止於三十九 稀于太廟也王居明堂也固得逸禮三十九篇之四而 記具三取之大戴記其三取之鄭氏註奔喪也中雷也 稀于太廟禮王居明堂禮皆其篇也唐初猶存諸儒自 不以為意遂至於亡惜哉今所暴八篇其二取之小戴 投壺奔丧篇首與儀禮諸篇之體如一公冠等三篇 已不存此例盖作記者刪取其要以入記非復正經

於定四東 全書

. 吳文正集

白ラビと 儀禮傅十篇澄所篡次按儀禮有士冠禮士昏禮戴記 於記故特篡為逸經以續十七篇之末至若中雷以下 皆不完然實為禮經之正篇則不可以其不完而擅之 **沢者稍必収拾而不敢遺亦我愛其禮之意也** 三篇其經亡矣而篇題僅僅見於註家片言隻字之未 有鄉飲酒義射義以至無聘皆然益周末漢初之 有冠義民義儀禮有鄉飲酒禮鄉射禮大射禮戴記 亦經刊削但未如公冠等篇之甚耳五篇之經文殆

災足四事全書 一 然大戴朝事一篇實釋諸侯朝覲天子及相朝之禮 馬於是儀禮之經自一至九經各有其傳矣惟覲義闕 食大夫義則用清江劉原父所補並因朱子而加考詳 射 次者頗為更定射義一篇选陳天子諸侯卿大夫士之 儀禮之傳故不以入記依儀禮篇次辞為一編文有不 備鄭禮之義而共為傳十篇云 雜 以釋儀禮而戴氏抄以入記者也今以此諸篇正為 然無倫釐之為鄉射義大射義二篇士相見義公 兵丈正集 击

時劉歆校理秘書始若于録界以考工記補冬官之闕 金少正五人 信之王文公又為新義朱子當謂此經周公所作但當 未馬融傳之鄭玄玄所註今行於世宋張子程子甚尊 武帝求遺書得之蔵于秘府禮家諸儒皆其之見哀帝 大司樂之章景帝子河間獻王好古學購得周官五篇 名之曰周禮文帝當召至魏文侯時老樂工因得春官 周官六篇其冬官一篇關漢藝文志序列于禮家後人 門人河南杜子春能通其讀鄭眾買達受業於杜漢

たらりもしない 火之餘區區极拾所謂存十一於千百雖不能以皆 三曲禮檀弓雜記分上下馬氏增以月令明堂位樂記 鄭氏從而為之註總四十九篇精粗雜記靡所不有秦 些毀之言則愚陋無知之人耳冬官雖關令仍存其目 百餘篇大戴氏刪合為八十五小戴氏又損益為四十 而考工記别為一卷附之經後云 時行之恐未能盡後聖雖復損益可也至若肆為排紙 戴記三十六篇澄所序次漢與得先儒所記禮書二 呉文正集

也而不可得見朱子當與東來先生日氏商訂三禮 無章再魏鄭公為是作類禮二十篇不知其書果何 出于先儒著作之全書者無幾多是記者旁搜博采勒 取 殘編斷簡會碎成篇無復詮次讀者每病其雜亂 見於文集猶可考也脫年編校儀禮經傳則其係 仍别為記吕氏既不及答而朱子亦不及為幸其大 先王之遺制聖賢之格言在在賴之而存第其諸篇 取戴記中有關於儀禮者附之經其不係於儀禮 篇

命以正及白雪

发

與前所商訂又不同矣其問所附戴記數篇或削本篇 人というしたいたり 釋儀禮別 之於記其冠義係義鄉飲酒義射義然義聘義六篇正 子朱子既表章之以與論語孟子並而為四書固不容 標識于左应讀者開卷瞭然若具篇第則大學中庸程 科分櫛剔以類相從俾其上下章文義聯屬章之大指 之文而補以他篇之文令則不敢故止就其本篇之中 風之禮篇而投壺奔喪實為禮之正經亦不可以雜 輯為傅以附經後矣此外猶三十六篇曰通 具文正集

解 終 丧 禮 今王制專 者 統三篇 之義 篇 者九山 類 期 記喪而大傅 (儒行自 哀公問 有 也 禮 則然之義也曰通論者十有二禮 曰 記 一喪大記雜記喪服 祭 少儀玉藻通記大小儀文而深衣 國家制度而文王世子 為 仲尼燕居孔 禮 者四祭 間傅問丧三 類學記 法一篇 チ 樂記其文 閒居 年問丧 小記 記 明堂位 祭 服 類 ,服四制 あ 雅 問 坊 郊 檀 運 特牲 附 非諸 記 弓曾子 馬 表 禮 五. 附 篇 祭 馬 記 器 曰 丧 月 經 则

金月四月白世

或者具有取乎非但為戴氏之忠臣而已也 有 於後之人與用敢竊取其意修而成之篇章文句秩 三篇中間第四十三第四十四第四十五第六十一 今其書闕前三十八篇始三十九終八十一當為四 颠 倫先後始終頗為精審将來學禮之君子於此考信 以為是書之終嗚呼由漢以來此書千有餘歲矣而 倒斜紛至朱子始欲為之是正而未及竟豈無 記三十四篇澄所序次按隋志大戴記八十五篇 支

銀定以库全書 記多為小戴所取後人合其餘篇仍為大戴記己入 又關其四或云止八十一皆不可考竊意大戴類秤 篇復關第七十三有二總四十篇處云八十五篇則 棄遺其與小城重者投壺哀公問也投壺公冠諸 甚盖彼具膏華而此其查澤耳然尚或問存精語不可 戴記者不復録 馬闕其篇是以其書 冗泛 不及小戴書 廟 京公問小戴己取之則於彼宜存於此宜去此外 諸侯釁廟四為既入儀禮逸經朝事一篇又入儀禮 į. 恁

成篇故具篇中章句罕所更定惟其文字錯誤多五考 校未能盡正尚供好古博學之君子云 記禮設禮運以下諸篇之比也小戴文多級補而山皆 2. 10 .al A. Lip 孝經漢藝文志孝經古孔氏一篇二十二章孝經一篇 三十四篇夏小正猶月令也明堂猶明堂位也本命以 章長孫氏江翁后蒼翼奉張禹傳之各自名家經 録事群多與家語哲子賈傳等書相出入非專為 經級録 呉文正集

岳与四母百言 文皆同惟孔氏壁中古文為異隋經籍志孝經河間 炫因序其得喪請于人間漸聞朝廷儒者皆云姓自 安國之本亡於梁至隋秘書監王邵訪得孔傳河間 書同出孔安國為傳劉向以頹本比古文除其繁惡而 顏芝所蔵漢初芝子自出之又有古文孝經與古文尚 十四年秘書學生王逸於京市陳人處得本送與著作 郎王邵以示河問劉炫仍令校定炫遂以庶人章分為 非孔舊本邢禺正義曰古文孝經順代亡逸隋開皇 作 剷

遂亡其本近儒報穿鑿更改偽作閨門一章文句凡鄙 二曾子敢問章分為三又多閨門一章凡二十二章因 經本文初甚駭馬徐而察之始悟胡公之言為信而孝 又分庶人章從故自天子以下別為一章以應二十 校古文定一十八章其古文二十二章出孔壁未之 議曰今文孝經是漢河間王所得顏送本至劉向以 若古文孝經精疑一篇唐開元七年國子博士司馬 殿朱子曰舊見衙山胡待郎論語說疑孝經引詩

大王田臣八十

吳文正集

真偽混淆殆難盡信孝經亦其一也竊詳孝經之為書 學論語中庸盖子所述醇而不雜此外傳記諸書所 書之語為之傅者又頗失其次第澄曰夫子遺言惟 六七章為本經其後乃傅文皆齊魯問 於是乃知前輩讀書精審其論固已及此又寫自幸 經之可疑者不但此也因以書質之沙随程可久丈 書曰項 因述而得免於鑿空妄言之罪也又日孝經獨篇 見玉山汪鴻明亦以為此書多出後人傅 儒篡取左氏 首 會 有

肇自孔曾一時問答之語今文出於漢初謂悉曾氏門 考證又皆不合决非漢世孔壁之古文也宋大儒司馬 經者其間與今文增減異同率不過一二字而文勢曾 所通行惟今文孝經十八章而己隋時有稱得古文孝 始以上獻劉向衛宏盖當手校魏晋已後其書亡失世 中得古文孝經以為秦時孔斛所蔵昭帝時魯國三老 人記録之情已不可知武帝時魯共王壞孔子宅於壁 不若今文之從順以許慎說文所引及桓譚新論所言 **只文正集**

銀完四年全書 文古文校具同具定為此本以俟後之君子云 當去存其所當存朱子意也故今特因朱子刊誤以今 文亦不無可疑者馬疑其所可疑信其所可信去具所 公酷尊信之朱子利誤亦處古文未能識其何意今觀 程子謂始言一理中散為萬事末復合為一理盖當思 邢氏疏説則古文之為偽審矣又觀朱子所論則雖今 中庸 網 톙

之以首章而論之始言一理者天命之性率性之道是

於定四車全書 一 是也中散為萬事者自第二車以下說中庸之德知仁 無具是也今又分作七節觀之第一節首章言性道数 後合為一理者末章無言不顯以至為恭而歸乎無聲 九經鬼神祭祀之事與夫誠明明誠大德小德是也末 勇心事歷代聖贤之跡及達道五達德三天下國家有 有是也以一篇而論之始言一理者首章明道之源流 發而中節致中和是也未復合為一理者天地位萬物 也中散為萬事者修道之教以至戒慎恐懼慎獨與夫 安文正集

懼是教也第二節二章以下總十章論中庸之德在乎 能守九章說能知仁勇之事而不能中庸十章說子路 人七章說能知不能守由不明八章說回之真知能擇 五章前道不行由不真知六章前舜之大知能取諸 明能行能擇能守明其所謂道所謂教也二章說君 强以進具勇十一章言索隐行怪半塗而廢唯聖者 小人之中庸三章就民鮮能中庸四章就道不行不 一篇之綱領也繼而致中和中是性和是道戒慎恐 人一一口臣 人工 者也第四節二十章以下總四章論治國家之道在人 以上三章論費之小者也十六章言思神為德之盛山 愛者文王十九章武王周公達孝以上三章論費之大 說實隐由大包小也十七章言舜其大孝十八章言無 章言素其位而行十五章言道如行遠自遇登高自平 用小大申明所謂道與教也十二章言道費而隐語大 能中庸第三節十二章以下總八章論道之費隐有體 小此說實隐由小至大也十三章言道不遠人十四

金岁正五百言 故至誠無息二十八章言天地之道為物不貳生物 之道誠之者人之道明知仁之事第五節二十四章以 有九經以治國平天下二十三章說事豫則立誠者天 十六章言至誠可以前知二十七章言誠自成道自道! 以行其教也二十章說哀公問政在人又當知天二十 下總六章論明誠則聖人與天為一也二十四章言誠 章說達道五達德三以修身二十二章言天下國家 明明則誠二十五章言至誠能盡性致曲能有誠二

惡文之者說學者立心為已為立教之方潛雖伏矣說 章說至誠為大德敦化第七節三十四章始之以尚錦 文武天時水土三十二章說至聖為小徳川流三十三 之德與天地為一也三十一章言仲尼之道同乎堯舜 天下有三重馬第六節三十一章以下總三章論孔子 十章言愚而無德賤而無位不敢作禮樂宜於今及王 獨之事不愧屋漏說戒懼之事以明修道之教之意 二十九章言大哉聖人之道苟不至德至道不疑三

人工口自 在了

兴文正集

其效終則反乎未命之天矣盖入道之次序也山中庸 學之要首章先說天命性道教為道統中說戒慎恐懼 盖明道之源流也末章則先教次克治而後存養繼說 為存養慎獨為克治後說致中和則功効同乎天地矣 吉所謂末復合為一理也今復述首末章之意以<u>盡</u>為 終之以無聲無臭說天命之性之極此盖申言首章之 無言不顧明率性之道之意民物民畏百碎其刑予懷 德明修道之教之效為恭而天下平說致中和之效

金岁世五台書

氣急 天包地、 其久也具運轉於外者漸漸輕清其凝聚於中者漸 地天之成象者日月星辰也地之成形者水火土石 天地之初混沌鴻濛清濁未判茶茶蕩蕩但一氣 濁 本之全體大用無不明矣學者所宜盡心玩味也 勁故地浮載其中不陷不隆岐伯所 輕清者積氣成象而為天重濁者積塊成形而 原 旋繞不停地處天內安静不動天之旋 理 有 跋 爾 為 其 漸

大きりらいき

具文正集

等天左旋於地外一畫夜一周匝自地之正午觀之 皆是猶地之石也日月五緯乃陰陽五行之精成象而 金少日屋 其周匝之處第二日子時微有爭差盖周匝而過之觀 猶 自 正方 是也天形正圓如虚毬地隔其中人物生於地上地形 可見者浮生太虚中與天不相係著各自運行運速不 地之土也積氣之中有光耀為星二十八宿及泉星 右而下自下而復左天之積氣為辰凡無星處皆是 如博骰日月星辰旋繞其外自左而上自 上丙 右

三百六十五度四分度之一有奇日亦左行畫行地 與三百六十五日以前于時初起之處合故定天度為 天者定其潤 至三百六十五日三時有奇則地之千中所直天度始 ことうこと 相直處 行地下畫夜一周匝但比天度則不及一度盖日之 以日之不及天而退一度者為右行一度盖以截 也與地相直處日月齊同無過不及而天之行也 一日過一度二日過二度三日過三度故 被名曰一度每日運行一周 正遇一度 吳文正集

多片四年全書 北夏至則去北極最近故曰日北至而其出沒與地 道 極 見 没與地之 其易貧爾天傾倚於此如勁風 項 方故曰南 低入地下三十六度其星辰常 日 不動處 所行之道春秋二分正與天之赤 隱以偏依於北方故曰北極下臍不動 卯 画 極南北二極 謂之北極高 相當是以晝夜均平春分以後 出地上三十六度其星辰 相去之中天之腰 旋繞其端 隠不見以其偏近 道 相 ė. 處 直 不 動 故 謂之赤 謂之 行 其 赤 曰 常 南 於 極 道

以後又移而北至春分則又與赤道相直日極於南而 南冬至則去南極 -Ca. JOIN LILIS 十五日四分日之一两有餘日道一周之時三百六 三百六十五日餘三時不滿故天度一周之時三百六 後又移而南至秋分則與赤道相直秋分以後行赤道 寅戌相當是以景短而界長畫刻多而夜刻少夏至以 展申相當是以景長而唇短畫刻少而夜刻多冬至 北則為冬至上年冬至至下年日道極南復北之 最近故曰日南至而其出沒則與 地

除年之後冬至所直天度率差一度是謂裁差月亦左 E 行猶遲於日一晝夜不及天十三度十九分度之七盖 五 有奇狗虚六時不論積十二氣盈凡五日三時不滿 日六時有奇而與日會則為一月之朔每月氣盈五時 行疾於月而退度不及天一度反若遅然月行遅於 日四分日之一而不足天度有餘日道不足故六 五時有奇而悉一辰則為一月之氣月之行二十 而退度不及天十三度有奇及若速然日之行三十

二朔虚凡五日七時有奇一歲氣盈朔虚共十日十 炎足四年全 其行與天等則為留其行不及天則為 同度是為朔十四日九時有奇而與日對度是為望合 與天體相 五星之行亦猶 為 横 氣 有奇将及三歲則積之三十日而置一閏日之有 《截之謂之道月之行也二十九日半 盈月之不足的朔虚氣盈朔虚之積是為之間 值也由北直南而從分之謂之度由東至西 W 日月其行有逐速其行過於天則為逆 順 有奇而與日 日月五星之 餘 餘

金グビス 朔 妶 于丁下明已多两上 射 H 時晨見于两下暗已多而上猶 明象 後初生明時昏見于與下明上暗象震上症時昏 蝕對望之時後 之時從雖同度 月 全體皆暗泉 あ 乾望後初生眼時晨見于辛下胎上明象異下 月 蝕 其 触之分數由同道對道所交之多寡 ,却地西北高而多山東 雖對度横不對道若横亦對道 松不同道若横亦同道 猶暗泉允望之時后見于甲全 明象艮晦之時晨 南下西多 蛚 月拖日而 則 日

剛 沙芝四車全勢 步 地 流 先天方圖 有 皆 土剛中桑石剛中剛錯而言之則 陰 有四象日 起於西北之崐岭 陽 惟立天之道曰陰與陽立地之道曰桑與剛 陽 歸於東南之尾問猶坤之盡於東南也天有四 月陰中陰 FJ 陽 法 月 i 地 2 '星陰中陽辰陽中陰水柔中柔火桑 乹 天之用星辰天之體水火地之用 月陰也星剛也辰柔也水陰也火 始西北坤盡東南故天下之山其 猶乾之始於西北也天下之水 天亦 有剛桑 둧 土 赐 地 Ð 石 本 亦 陽

土桑也石剛 之二十四有天之泉馬掌文後高前下山時川 裁寒星體光 脾)法馬物有飛走木草四類細分之十六飛飛者 E 而為雷人稟氣於天賦形於地耳目口臭為首猶 而 為 腎四臟屬天肺肝胃膀胱四臟屬地指節十二 月星辰也脈髓骨內為身 洒火 舣 耀 也日人之精為夏之着月水之精為冬之 外 為畫之明辰體昏暗為夜之晦 旋而為風土氣上蒸而為露石氣 猶地之水火土石也 水 流有地 氣 内

鷹鸇之屬性之飛飛之性也雅走者舊鷄鴨見之獨情 人三山戶八十 者械撲荆樣之屬形之木木之形也木草者楮穀木 者蟻蛇之屬體之走走之體也木飛者松栢之屬性之 走走之情也走木者猿猴之屬形之走走之形也走草 龍之屬性之走走之性也走走者熊虎鹿馬之屬情之 也飛草者蜂蝶蜻蜓之屬體之飛飛之體也走飛者蛟 之飛飛之情也飛木者住鳩熊雀之屬形之飛飛之形 **木之性也木走者棒榔之屬情之木木之情也木木** 共文正集

金云四月五十 蓉之屬體之木木之體也草飛者竹蘆之屬性之草草 之體也陽本實陰本虚也陽為氣陰為精陽成泉陰成 健回剛曰静專曰動直則實莫實於天地之成形雖似 形陽主用陰主體則陽反似虚陰反似實是不然天之 艾之屬形之草草之形也草草者松芥之屬體之草草 之性也草走者藤葛之屬情之草草之情也草木者蒿 實然其形疎通如肺氣升降出入其中故曰順曰柔曰 積氣雖似虚然其氣急勁如鼓皮物之大莫能禦故曰

とくいとのはという 陽虚陰實者偏說也 静翁曰動闢則虚莫虚於地以則陽實陰虚者正說也 特窮理之一端爾人之為學猶有切近於己者當知 在年因都伸明見問一時答之之解如此聽者不能 所先後也泰定丁卯六月朔臨川具县識 今廬陵士郭成子又逐節畫而為圖可謂有志然此 之自言也有人傳録以去題其名曰原理殊非吾意 悉記吾言故命史從旁書之皆先儒之所已言非吾 兴 文正集 幸

金少日月日 生之子伯温所述先生之學窮理盡性至命者也孔子 二卷為書六十二篇附之以觀物外篇二其二漁旗問 邵子書今所校定謹第其目如右其一皇極經世書十 録一卷曰正音者先生之父天曳所作曰辨惑者先 二十卷為詩千四百九十八首附之以集外詩十 卷為書二十二章附之以遺文六其三伊川擊壞 人而已吾友夏初安盖當味先生之言而有發 邵子叔録 卷

大足四年人生! 而三三而九九而二十七二十七而八十一易之数乃 而十六十六而三十二三十二而六十四太玄則 因其言得具意則象數皆備於我賛化育參天地可也 馬是者嘴之者鮮傅之者認誤最多乃為整齊其篇章 揚子雲擬易以作太玄易自一而二二而四四而八 書云乎哉 文字切安命工刻版以與世之學者共觀是書者誠能 太玄叙録 具文正集 自

金ピノビスノニー 以當四分日之一巧亦勞且批矣子雲此書未能見重 既非天地之正又張求合於歷之日每首九替二替當 為數子雲太玄名為凝易西實則非易矣其起數之法 伯陽祭同契之屬雖流而入於伐将尚不能外乎易之 同符惟邵子皇極經世一書而已至若焦延壽易林魏 天地造化之自然一豪知力無所與於其間也具世而 百六十四日有半外增一蹄賛以當半日又立一贏賛 畫夜合八十一首之賛凡七百二十九催足以當三

地之學卓絕古令之識而亦稱其書要之惟朱子所 於當時後世雖有好者亦未可謂大行也宋大儒司馬 及足可奉 白馬 序無從而附則合為一以寅經端其牽級割裂無復成 首解於經替之前散測解於各替之下首測兩篇之總 三篇盖擬易之上下經經後十一篇則擬夫子之十異 公爱之甚當有集註晚作潛虚以擬之以邵子範圍 而為太玄之傳晉范望始依周易录傳象傳附經例升 以為萬世之折東本經八十一首分天玄地玄人女 兴文正集 圭

金少正是白星 以若于後雖 首併為考正於子雲之書盖不無小補云 共為一篇繼十三篇之末今本亦如書之小序各冠篇 知前人之作不可以己意妄有易置按法言序篇監本 經者病具棋法不明驟觀未易通晓復為之別白具 因之故今於此書亦伴復舊而第其目如右兼以 一好有甚於易經者易經有罪氏吕氏定從古本而朱 東西周辯 非 顧為後世之揚子雲亦欲使後之學者 讀

成王宅洛邑營澗水東遷水西以朝諸侯謂之王城又 銵 之殊而名告武王西都鎮京而東定則于郊郁周公相 東西周有二一以前後建都之殊而名一以二公封邑 民 京 之東都實好那於今為河南又營運水東以處殷 侯共立宜白是為平王畏我之通去鶴而還于東都平 謂之成周又謂之下都於今為洛陽自武至幽皆 宜臼申 幽王娶于申生太子宜白又嬖褒 侯以部及大戎入超弑王諸侯逐大戎與 妙生怕服 欲 都 頑 立

大元日田田大田丁

具文正集

聖

秋泉子朝 之次月 供都成周而王城之都廢至考王封其弟揭於王城以 戸三屋 朝 下都王城曰東周幽以上都鶴京曰西周山以前後 朝奔楚敬王雖得返國然以予朝餘黨多在王城乃 都之殊而名也自平東遷傳世十二而景王之庶長 周公之官職是為周桓公自此以後東有王西有 與王猛爭國猛東居于皇晉師納之入于王城入 猛然丐及踰半县而子朝又入王辟之東居于 白量 城王城曰西王敬王在狄泉曰東王越四年

七日日日 以上皆在東周報王立始遷于西周即王城舊都也 矣周之分東西自此始九年東周忠公卒子傑嗣慎靓 以後西有公東亦有公二公各有所食而周尚為一 諡以鞏與成周皆在王城之東故班之兄則仍襲父爵 之少子班又别封於翠以奉王是為東周忠公父子同 居于王城是為西周武公以王城在成周之西故自此 而東西周之名未立也桓公生威公威公生惠公惠公 王二年趙韓分周地為二二周公治之王寄馬而己 兴文正集

邑之殊者又於洛邑二城之中以王城為西周對成周 之殊者以鎮京為西周對洛邑為東周而言也二公封 民東亡秦遷西周公於惠孤聚又六年秦減東周遷東 待此時矣其後西周武公卒子文君嗣王五十九年春 記云王報時東西周分治今按顯王二年已分為二不 周公於陽人聚此以二公封邑之殊而名也前後建都 西 周西周公入秦獻其邑而歸是年報王崩次年周

為東周而言也大聚周三十六王前十有二王都鎬京

金子とる 人

東為公兵知東之有公而不知西之亦有公也知王之 していし しいし しいり 周君與東周惠公並而西周公無聞馬則直以西為王 西之名繁乎公不繁乎王也邵子經世書紀報王為 中十有三王都王城王城對鶴京則鶴京在西而王城 在東其東西之相望也逐季十王都成周報一王都 王城對成周則成周在東而王城 之分因武惠二公各居一都而名王則或東或西東 也近一王城也昔以東周稱後以西周稱夫周未 具文正集 在西其東西 之

免近四年全書 公為報王別 于而誤者既 周升之為首卷於西著王世次於東著公世次盖因 順其序也近有縉雲鮑彪注謂西周正統不應後於東 在 五十餘年王于東報一代五十餘年王于西先東後西 次西周豈無意哉二周分治以來觸王慎靚王二代 之說絕又云根從都西周西周鎬京也嗚呼鎬京去 西而不知報以前之王固在東也戰國策編題首東 益反以徐廣為缺是未當考於可馬貞索 不知有西周公且承宋忠之繆以西周武

者不同 こくこうことこころ 郟 哉高誘注曰西周王城今河南東周成周故洛陽 城成周八百餘里自平王東遷之後不能有而以 時 明甚鮑注出高誘後何乃以西周為鎬京也乎鮑又 仲曰能逐犬我即有其地錦之為春已四百年于 地在長安上林昆明之北虎狼所穴而王得在都 **郭屬河南為東周殊不思此告時所謂東周也** 則名西周矣斯時之西周與鎬京 簢 乃一之何與盖有不知而作之者我無是 兴文正集 **郟**郵對稱 西 於

到戶四库全書 夫鮑氏之於國策其用心甚動而開卷之端不免認 十六下篇章三十六字二千九百二十六總之五千二 分者定為六十八章云上篇章三十二字二千三百六 **君所傅章七十二諸家所傳章八十一然有不當分而** 老氏書字多謬誤合數十家校其同異考正如石莊平 此二公命筆之遂為之作東西周辯 如此讀者亦或未之察也與夾谷士常程鉅夫偶論及 老莊二子叙録 誤

以下與知北遊以上諸篇不見精粗深淺之不侔通 颖力 九三刀目 上等 後數篇并其偽書名為雜篇以相淆亂云爾今既從蘇 莊氏書內篇盖所自著外篇或門人纂其言以成書其 百九十二字 外篇可也大莊氏書猿辑參差不以騎見之唯縣 無所謂雜篇也竊疑後人偽作讓王漁父盗跖説 說照其偽復以列樂冠合於寫言而為一篇與桑楚 入寫言篇中離隔寫言之半為列樂冠篇於是分末 兴大正族 調

其後或曰史記稱莊子作漁父盗跖胠簽以該訾孔子 以俟夫知言之君子詳馬蘇氏所則四篇亦存之以 **胠篋馬蹄繕性刻意五篇自為一體具果莊氏之書乎** 篇章得無陋哉日得意國可以忘言将欲既其實而謂 其書汪洋恣縱乎繩墨之外而乃規規馬局局馬議其 不必既具文欺也楊係註首卿書定其篇次讀者咸以 徒當時去戰國未遠也而已莫辨其書之異同矣且 亦周秦間文士所為乎是未可知也故特別而異之 附

免員四月五十

就其所存猶不無顛到混淆之失惟此本為最善篇分 說建安蔡元定季通去其十二而存其八亦既得之然 葵書相傳以為晉郭璞景純之作內外八篇凡一千 んこいも **告故亂之也此别為篇偷類精矣覧者詳馬** 為當予於莊氏之書亦然 百五十八字世俗所行有二十篇皆後人增以繆妄之 外益有微意雜篇二俗本散在正書篇中或術家 葬書 級録 かたう 具之正集 툿

去之矣雖甚惡亦復如是奚以喜愠為也夫喜也者非 美所寫止一二時若三四時久則半日又久則一宿斯 或三易其易也得一舟設飾完美從者報有喜色過一 壬寅秋官辨驛舟遣送上京即舟一日或一易或再易 以其有益於已而喜愠也者非以其有損於已而愠也 設飾椒惡從者報有愠色予心笑而諭之曰舟雖 時之情自不能以不然噫人之寫此世亦猶寫 驛舟 巷 甚

大三日日十六十二 吕梁驛 者何也九月二十五日午時舟中書時已過新安釋未至 往何常之有我而乃以目前之所值移其智中之喜愠 舟耳多者百餘年少者數十年驟革而數遷條來而忽 吳文正集 芜

呉文正集卷一				金汉巴及白丁
				卷一
	-			

敏定四庫全書 異文正集卷二

御史 邱文愷覆勘 武英殿養修編修臣只罪愛

因史福字更革為小篆倉前字謂之古文秦人以篆書 たこの巨人 答張恒問孝經 The state of the s 人之别日黄帝時倉商始造字 文華為大篆秦始皇時李 异澄 撰

徵至校其書非是漢志所載武成之辭即張霸偽古文 行安國沒後其書無傳東萊張霸龍言受古文書成帝 以相别異云爾古文書孔安國獻之遭巫盡事不及施 經皆倉頡古文字後人稱漢儒隸書傳寫之經為今文 帝時魯兴王壞孔氏屋壁得孔鮒所藏書禮及論語孝 火於秦而復出於漢當時傳寫只用世俗通行之字武 人趨簡便習隸者衆習篆者寡公私通行悉是隸書經 繁難又作隸書取其省易專為官府行文書而設自此

孝經二十二章與今文孝經為二魏晉而後不存隋 之亂古文論語二十一篇與會論語齊論語為三古文 禮記屢常引用孔誦達作疏之時猶有後乃燉於天實 篇與今文儀禮同餘三十九篇謂之逸禮鄭玄注儀禮 書也東晋梅蹟於伏生今文書外增多二十五篇今 古文孝經其得之也絕無來歷左驗隋經籍志及唐開 行於世果真孔壁所藏者乎古文禮五十六篇內十七 以今文孝經增減數字分析兩章又偽作一章名之曰

孝經出於漢初左氏未盛行之時不知何世何人為之 於今文而承用之也恒又問孝經果可疑乎日朱子云 何足深辨也而刑誤姑據温公所注之本非以古文優 見高明孝經出於漢初者尚且致疑則其出於隋世者 多定四庫全書 且為信則謂古文尤可尊也而不疑後出之偽朱子識 元時集議顯斥其妄邢昺正義具載詳俗可考司馬温 也竊謂孝經雖未必是孔門成書然孔鮒藏書時已有 公有古文孝經指解益温公資質重厚於孝經今文尚

者豈可因後儒之傅會而廢先聖之格言也 爾中有格言朱子每於各章提出而小學書所纂孝經 諸篇多取於彼其間純駁相雜公穀左氏等書稱道孔 子之言者亦然孝經始此類也亦七十子之後之所為 之文其釋之也精矣朱子曷當盡疑孝經之為非哉學 之則其傳久矣禮家有七十子後弟子所記二載禮記 通志刊於五子癸丑間張容谷守前胡石壁所屬竹 評鄭灰深通志答劉教諭

敏定四库全書 言盖亦不易庸齊序筆順覺意向異同夾祭所云 洛之學故其序如此 之真有義之理理之失多義之理理之妄庸齊主伊 論以為名物度數難通而理易窮又謂無義之理理 之門相與切劇格物之學則博歸於約矣但夾祭之 溪先生當詩之苦泉序文久不復記憶庸齊之序大 此與化余文書中語效蒙繳示且教之曰立言難知 葵 謂真知者德性之知多知者見聞之知使及伊洛

誦之學漢鄭康成宋劉原父之類是也有詞章之學唐 不及伊洛之門相與切剧格物之學而反博於約其意 周程張朱數君子而已夾祭記誦者之學也而亦卓然 韓退之宋歐陽永叔之類是也有儒者之學孟子而下 儒者之學分而三秦漢以来則然矣異端不與馬有記 有以自見於世論者因其所長而取之可也庸齊惜其 義理三言還亦安否澄不敢虚辱厚意謹評之如左 是正幸甚

就為主伊洛然觀其言則於伊洛格物之說益未之有 固為忠厚然在首游伊洛之門而不得其學者亦衆矣 多定匹库全書 其善者而從之多見而識之益聞見雖 得於外而所聞 所以致其知也夫子曰多聞關疑多見關殆又曰多聞擇 聞也知者心之靈而智之用也未有出於德性之外者 夾祭之博初非顏子之博何遠能一及而至於約哉庸蘇 曰德性之知曰聞見之知然則知有二乎哉夫聞見者 使夾漈生於其時講於其說其反博而約也可必乎 況

回多學二則回多學鄙孤陋寡聞而賢以多問寡曷當 とこうらんかう 不欲多知哉記誦之徒則雖有聞有見而實未當有知 誦者務外之失而不自知其流入於異端也聖門一則 真知多知之目而外聞見之知於德性之知是欲獨記 内亦非如釋氏之徒專本於內而無事於外也今立 内外合一之學固非如記誦之徒博覽於外而無得於 所見之理則具於心故外之物格則內之知致此儒者 也皆朱子於大學或問當言之矣曰此以反身窮理為 吳文正集

多定四月全書 無義之理哉理如王之膚也有旁通廣取其義不一 以無義之理為理之真夫凡物必有所以然之故亦必 識愈多而心愈室夾漈惟徒知其物而不聚其實也故 主而必究其本末是非之極致是以知愈博而心愈明 在物為理處物為義理之有義猶形影聲響也世豈有 有所當然之則所以然者理也所當然者義也程子曰 彼以狗外誇多為務而不數其表裏真妄之實然是以 而足者是以聖人之學必精義而入神今以多義為妄

大三日言 ときす 其肉也得其肉者未必得其骨也得其骨者未必得其 其數祝史之事也名物度數者如稱之有餘兩度之有 尺寸也有目者類能辯之至於理則得其皮者未必得 甚哉雖然此古今記誦者之通病也而吾於夾祭何 髓也今日名物度数難通而理易窮鳥乎何其不思之 子外義之見是與記曰禮之所尊尊其義也失其義陳 有義為失而以無義為真然則聖人精義之學非與告 交正集 が

我好过風多言 升陷拜受爵者為三賓三屬之外則不拜受爵葢 **屬介之外為聚質則序以齒衆實之中齒最長者三人** 其書於天府擇其最賢者為獨其次為介此以德選不 曰古者鄉大夫行鄉飲酒於鄉學以賓禮與賢者能者而升 以齒論其齒雖在衆實之下而其坐席則在衆實之上 吳適一問近有學官我請鄉愈公充學寫其書解云 古制鄉學嚴事大賓以象三光何也 答吳適可問

不足據釋三光者曰日月星然其上文云廣主象天地 之禮天下之達尊三各有所尊馬廣介尊其德也三實 尊其齒也係坐於賔之東主之北尊其爵也 日此鄉飲酒義之文也益七十子以後之儒所作其言 三賓者德在賓介之下而齒在泉屬之上者也鄉飲酒 複故注家不以日月星釋三光而釋曰三辰者益避重 介假象日月三窩在窗介之外而又白象三光其義重 問以象三光何也

人已日日 八十一 美文正集

被也 金吳正是白書 之後天子所不敢臣曰窗丹朱為虞窗微子作窗於王 鳴而詩之序曰燕羣臣嘉賓益本國之臣曰羣臣它國 家是也他國之大夫諸侯所不敢臣亦曰屬慈禮歌康 日實與主對者也敵體相見居者為主至者為實先代 大夫所不敢民亦曰賓行鄉飲酒之時所立屬介是也 之臣則不敢臣之而曰嘉實是也賢能將進用於上鄉 問學之有寫何也

郡縣之官與師不敢以民庶徒友待之者也 客禮然則後之所謂學賞者葢無取以上數條之義謂 觀周樂周之經制破壞於春漢定朝儀雜采春制魯西 問音在有虞伯夷典禮后夔典樂速至成周宗伯司樂 則為供諸侯之君失地而寄於他國曰寫公國君待以 悉屬春官周道衰微禮樂在魯韓起得見周禮季扎得 古者公卿大夫致仕而居於鄉者曰鄉先生鄉人飲酒 丁已鄉試策問三首

矣厥今我衡歷象太史掌之與圖職貢秘書掌之至精 至詳度越干古獨太常禮樂尚循近代之遺伊欲大備 皇元之典若之何而為禮若之何而為樂必有能明制 天佑國家光啓文治學校盛貢舉行禮樂之典於其時 而後號令文章煥然可述然古制不復君子不無憾馬 物得其和之謂樂尚得其本何以文為禮云樂云度數 作之本意者底幾有補於明時若曰事得其理之謂禮 生調禮樂百年而後可與故文帝議讓未追至於武帝 とこううとう 葢有所見伊洛大儒深然其說豈道德之士於律亦有 胥點吏以意重輕刑罰不中民無措手足矣律十二篇 今益惟邦憲之重民命所屬尚無係章可以遵守則姦 所掌則有刑典召侯所命則有刑書漢繼秦後首定律 問古昔聖人用刑政以治天下立法制以傅後世周官 聲音云乎哉淪於萬虚流於苟簡則非有司之所願聞 歷代承用疏義雅與與三禮相經緯或言律是八分書者 异义正集

多定四庫全書 之俊傑其悉意以對有司将以復於上 實數或欲以令例古律參合為一或又謂例即律律即 然斷例合天理當人情與律奚異豈陽嬪其名陰用其 例有例固可以無律然數否數實興之賢能旨識時務 文豈文章之士於律亦不廢敷當今斷獄用例不用律 取數或言讀書不讀律者益有所識及其釋經報引律 問 賞以勸善罰以懲惡賞貴乎信不信則人不懷罰書

豈無他事而必以降赦為德何數諸葛為相國以大治 久巴口屋 白色 赦所以惠姦與賢能明於古今達於刑賣願聞至當之 其果不赦之效數王仲淹云無赦之國其刑必平宣數 者可赦而大者不可赦與楚有星害其臣勸之修德修德 告災肆赦過誤者始或赦之逮至日侯所命五罰皆赦 乎必不必則人不畏古苦聖人仁如天地亦不能無刑 非過誤者亦赦之何與會肆大貴春秋示議宣青之小 而治刑之所加有宥無赦流者五刑情輕者宥之而已 4 异文正集

金男は屋とする 說

答王參政儀伯問

澄自寄弘蘇記後末由嗣致起居之問一子二孫來歸

去冬十月五日所惠翰教啓誦如獲面覿細玩副墨所問 能言吉履知遂問適之樂不勝喜幸二月二十一日得

四條嘉漢罔已别墅從容養親讀書深造詳究能儒流

終之老夫日有望馬四條之說即據鄙見陳之以達左 之所不易能斯道不孤關係非小知至而至之知然而 THE THE PART OF THE PARTY OF TH 第 右耄耋荒耗愧不周悉倘有未然願更附便示及 問目凡四 所不立此言當矣但謹按朱子曰以下朱子之 欲下實工夫惟敬之一字是要法然中庸先 言問有未瑩者執事已自能知之今不復再言 言戒慎所不睹恐懼所不聞而後言順其獨 此是順體用先後之序而言學者工夫則當先 節朱子静而不知所以存之則天理昧而大本有 吳文正集

金ダマスたろうで 皆以敬為之主也依小學書習敬身明倫之事以封 適矣若先於動處不能養其性則於静時豈能有其 自見效驗至若平日讀書窮理其功又在此之先而 心哉言不能詳即此推之循其先後之次而着功馬 專無二能如此則事物未接之時把捉得住心能 無 乎天理如是積久無一事而不主一則應接之處心 心有主而開室屋漏之處自無非僻使所行皆由 於用處着力凡所應接皆當主於一心主於一則 卷二 بالا

第二節周子太極動而生陽静而生陰之說讀者不可 欠己日日 八十丁 培大學根基此又在讀書窮理之先者 則太極亦動氣機一静則太極亦静故朱子釋太極 以辭害意益太極無動静動静者氣機也氣機一動 子分解太極不當言動静以天命之有流行故只得 圖曰太極之有動静是天命之有流行也此是為周 以動静言也又曰太極者本然之妙也動静者所乗 之機也機猶弩牙弩弦乗此機如乘馬之乗機動則 呉文正 集

金岁也是有量 **弦發機静則發不發氣動則太極亦動氣静則太極** 所乗之機謂其所來之氣機有動静而太極本然之 亦静太極之乘此氣猶弩弦之乗機也故曰動静者 冲漠無联聲臭民然為太極之體以流行變化各正 中而主宰之也機字是借物為喻不可以解害意以 非有两物只是主宰此氣者便是非别有一物在氣 妙無動静也然努在與弩機却是兩物太極與此氣 性命為太極之用此言有病益太極本無體用之分

東己田町 日 静也太極在其中以其静也因以為太極之體及其 其流行變化者皆氣機之闔闢有静時有動時當其 見太極之用馬利貞誠之復者秋収冬藏之時陰之 極之冲漠無联聲臭民然者無時而不然不以動静 可元亨誠之通者春生夏長之時陽之動也於此而 者為體之静陰陽五行變合化育者為用之動則不 而有問而亦何體用之分哉今以太極之根抵造化 動也太極亦在其中以其動也因以為太極之用太 吳文正集

金父口是台門 静也於此而見太極之體馬此造化之體用動静也 至若朱子所謂本然未發者實理之體善應而不測 者實理之用此則就人身上言與造化之動静體用 或與物接或不與物接初無定時或動多而静少或 又不同益造化之運動極而静静極而動動静互根 静多而動少非如天地之動静有常度也朱子以繼 之者善為陽之動成之者性為陰之靜益以造化對 歲歲有常萬古不易其動静各有定時至若人心之

用難以造化之誠通誠復為此言之長也未易可盡 行屬陽之動性之真受屬陰之静則其言執滯而不 而物性之真受者一定似可分動静然專以命之流 通益不可也至若中庸未發之中為體已發之和為 即無動一静一之可疑益因誤以太極之本然者為静 以形容其無聲無臭之妙此言大非動亦一静亦一 姑以吾言推之至若謂静非太極之本體也静者所 品彙而言就二者相對而言則天命之流行者不息 **1**

第三節冬至祀天於南郊之國丘夏至祭地北郊之方 多定四库全書 澤此二禮相對惟天子得行之天猶父也父尊而不 為太極之體爾太極實無體用之分也 北帝則於四郊亦惟天子得行之其他非時告天禮 親故冬至祀天之外孟春祈穀於郊亦於園丘五時 中之理為太極之用爾因陰之静而指其静中之理 陰陽之流行者為動故爾太極本無動静體用也然 言太極則該動用静體在其中因陽之動而指其動

こうこうこと 也有類於郊祀馬爾然亦惟天子得行之益祀天之 之重者則亦謂之郊禮之輕者則謂之類言非正郊 惟北郊方澤一祭為至重其次則祭地於社北郊之 禮天子之外無敢借之者地猶毋也母親而不尊故 夫士庶人之社謂之里社此皆正祭除正祭之外天 尊故也天子之社謂之玉社諸侯之社謂之國社大 祭天子所獨社之祭天子而下皆得行之母親而不 子諸侯或因事告祭重者於社輕者但謂之宜言非 异文正集 土五

多定四 庫全書 第四節古者天子祭七廟初受命之王為太祖其廟居 亦只是社祭而已不知天子之尊所以異於諸侯者 正社之祭其禮與社祭相宜稱馬爾胡氏因不信周 有方澤祭地之禮為至重而諸侯不得行也 禮但見他書皆以郊社對舉而言遂以為天子祭地 東西之中二廟為高為曾此謂之四親廟東西之北 中東三路西三穆凡六廟東西之南二廟為禰為祖 二廟祭高祖之父與髙祖之祖為二祧廟親四祧廟

别立一廟於昭穆北廟之北謂之宗百世不毀與太 二合之為三的三穆其有功德之王親盡廟當毀則 祖同周之文世室武世室是也合六祖二宗三昭三 時給者還二的二移之主合祭於太廟也大給者三 亦無有功德之宗故其給祭也但有時給而無大於 為太廟高曾祖福為四親廟是日二的二榜無二礼 昭三穆二宗之外凡廟之已毀者皆得合食於太祖 穆則謂之九廟此天子之制也若諸侯則始封之君

銀定四庫全書 士一扇獨廟而已無祖廟也無人無廟祭父於其寝 穆則祖稱也上士二廟惟祖與稱無太廟也中士下 之廟也大夫三廟初為大夫者居中曰太廟一的 廟祭之上士欲祭曾高則於祖廟中祭之大夫欲祭 祖以上則於太廟祭之古者惟天子諸侯有主大夫 而已中士下士之常祭但得祭禰若欲祭祖則於禰 士皆有主皆得祭及髙祖僣諸侯之禮也至若冬至 士無主祭則設席以依神而已伊川所制之禮大夫

祭始祖立春祭先祖則借天子禘裕之禮矣故朱子 此庶幾近之朱子所謂二主者此言繼禰之宗子載 者言其考外之精神當與神主相依不别立祠板之 大夫禮七品如上士禮八品九品如中士下士禮如 侯祭及四世但既無封國則不當有主六品以上 如 既無封建則斟酌古今之宜三品以上得如古之 諸 其考她二主以行爾所謂二主常相依則精神不分 初亦依伊川禮舉此二祭後覺其僣遂不復祭後世 异文丘集

多定四庫全書 或可禮隨時制宜有損有益大夫士有主自伊川所 類也於於及其高祖者於謂由下而達於上也高祖 本無廟若或立功於國君寵錫之則得合祭四代上 定之禮始然亦無害於義但是有廟者有主其無廟 及高祖大夫則祭於其太廟上士則祭於其祖廟中 者其主埋於墓所若欲追祭則設席依神而祭於有 下士則祭於其獨廟以上始舉其大縣不及詳悉也 主者之廟況如今廟制旨非古則只當且因循伊、

自未有天地之前至既有天地之後只是陰陽二氣而 所定之禮行之 答人問性理

只是為氣之主宰者即是無理外之氣亦無氣外之理 此者何也以理為之主宰也理者非别有一物在氣中 之則為五行五氣即二氣二氣即一氣氣之所以能如 已本只是一氣分而言之則曰陰陽又就陰陽中細分

大三日日とより間

人得天地之氣而成形有此氣即有此理所有之理謂

吳文正集

所以為至善而孟子之道性善所以必稱堯舜以實之 理在清氣美質之中本然之真無所污壞此堯舜之性 或美或惡之不同氣之極清質之極美者為上聖益此 仁義禮智是也性即天理豈有不善但人之生也受氣 之性此理在天地則元亨利貞是也其在人而為性則 上或清或濁或美或惡分數多寡有萬不同惟其氣濁 也其氣之至濁質之至惡者為下愚上聖以下下愚以 於父之時既有或清或獨之不同成質於母之時又有

與告子言而終不足以解告子之就至今人讀孟子亦 所以有不善者因氣質之有濁惡而污壞其性也故雖 是就氣質中挑出其本然之理而言然不會分别性之 理之無不同不曾論到氣之有不同處是其言之不備 矣此性之所以不能皆善而有萬不同也孟子道性善 也不備者謂但說得一邊不曾說得一邊不完備也故 見其未有以折倒告子而使之心服也益孟子但論得 而質惡則理在其中者被其拘礙淪染而非復其本然

たこりらいける 風

买 文 正 集

字故曰論氣不論性不明此指尚楊世俗之說性者言 所以為大有功張子言形而後有氣質之性善反之則 之理謂之性此其見之不明也不明者謂其不晓得性 性緩性急皆是指氣質之不同者為性而不知氣質中 日論性不論氣不備此指孟子之言性而言也至若尚 楊以性為惡以性為善惡混與夫世俗言人性寬性福 天地之性存馬故氣質之性君子有弗性者馬此言最 也程子性即理也一語正是鍼砭世俗錯認性字之非

2019 5 ALE 之功及之如湯武及之也之及謂及之於身而學馬以 氣質之性也氣質雖有不同而本性之善則一但氣質 天地之性氣質之性兩性字只是一般非有兩等性也故 曰二之則不是言人之性本是得天地之理因有人之 至變化其不清不美之氣質則天地之性渾然全備具 不清不美者其本性不免有所污壞故學者當用反之 形則所得天地之性局在本人氣質中所謂形而後有 分曉而觀者不能解其言反為所感將謂性有兩種益

認得日用之問隨其所發見保護持守不可以賊之謂 **質之性君子有弗性者馬** 多切口周白書 養仁之發見莫切於愛其父母愛其兄弟於此擴充則 所謂性理之學既知得吾之性皆是天地之理即當用 本然之性而吾性非復如前污壞於氣質者矣故曰氣 存於氣質之中故曰善反之則天地之性存馬氣質之 用小學問之功大能學氣質可變而不能污壞吾天地 功以知其性以養其性能認得四端之發見謂之知既

為能孝能弟之人是謂不戕賊其仁義禮智皆然有 宫關是如何街道是如何風沙如何習俗如何並皆了 節次即日雇船買馬起程兩月之間可到熊京則見其 者也孔孟教人之法不如此如欲去無京者觀其行程 文字上鬱刺言某人言性如何某人言性如何非善學 敬讓是战 賊其禮知得某事之為是某事之為非而不 件不當為之事而為之是战賊其義於所當敬讓而不 討分曉仍舊糊塗是成賊其知今不就身上實學却就 民文正生

真矣 多定正庫全書 動在天盤上行古來悉家葢非不知七政亦左行但順 遂謂日月五星逆行也譬如兩船使風昏趣北其一船 亂益不親到其地而但憑人之言則愈求而愈不得其 然不待問人今不求到燕京却但將會到人所記錄逐 行不可等只得将其逆退與天度相直處美之因此後 天與七政八者皆動今人只將天做硬盤却以七政之 一去挨究参互比校見它人所記錄者有不同愈添惑

こうとこ 差三十度熒惑之行凡歲星更遲其不及於天積六十 星之行此鎮星尤遜其不及於天積十二个月與天争 些子而不及於天積二十八个月則不及天三十度歲 實只是行緩趕前船不着故也今當以太虛中作一空 日争差三十度太陽之行比獎感又遲但在太虛之盤 空盤一度鎮星之行此天稍遲於太虛盤中雖畧過了 盤却以八者之行較其遲速天行最速一日過了太虚 具文正集

行緩者見前船之快但覺自己之船如倒退南行然其

多定四庫全書 疾遲天一土二木三火四日五金六水七月八天土木 人不曉以為逆行則謂太陰之行最疾也今次其行之 日所行比天為差十二三四度其行運故退度最多今 白但有疾時遲速相準則與太白同太陰之行最遲一 有疾時遲疾相準則與太陽同辰星之行又稍運於太 度積一月則不及天三十度太白之行稍遅於太陽但 中一日行一周匝無餘無欠此天之行一日不及天一 火其行之速過於日金水月其行之遲又不及日此其

入賦 詩何迁縣顧聞所以得公族之道古者力收之外 否混淆與抗疏朝廷草創者歌場上書美幹何診殿醉 者議之古者胄子有教何教乎師保有訓何訓乎顯中 治天下之事多矣有司嘗考今古以為其事之大者十 諸日之謀亂與奮節甘露變故之後者熟優精忠於賢 有二稽之古而不能無疑曷可行於今數試因識時務 私試策問九國朝文類 Ų 英文正集

多定四月全書 置諫大夫世道不古御史為傳命記事果得乎御史為! 小臣加官而相府不相統者朝是蕭曹舊隙何以同心 **數願聞所以為宰相之道古者諫無官王事無關後世** 何宏二黨交攻量何隘而為天下輕重二十餘年何才 以相用醇謹相飭才何劣而係天下安危二十四考量 姚宋不同何以戮力嚴明寬厚何以相資善謀善斷何 與置部刺史而相府不相干者就非丞相欲斬戲臣與 何以有六相禹鼻之外何以有十六相丞相欲斬二千石

書之官就是尚書侍郎之起草與立學士之號者就非 段定四車全書 以王帶與賜部而王達效順者熟勝顧聞所以得兩制 手筆者異子賜與官錦與下部而悍卒泣涕者熟賢贈 **數顧聞所以得臺諫之道古者金馬承明之著作與中** 州而給事不肯草制可法與除刺史而舍人封駁可嘉 風者熟優以中大夫守東海諫官補刺史者熟多守饒 平章按察果失乎握補關以增直臣氣謂諫議有諫臣 取譽於貞觀與德音除書者同乎齊名於元和與號大 · 灵文正集 子四

禁中注起居熟優太史居丞相上與史館於門下省者 成施飾問堪何官楊雄班固傳發何職黃香盧植終邕 乎秘書府居於外何所始秘書閣藏於外何所因劉章元 熟是三墳五典紀之何人春秋檮杌作之何氏章程必 與內史何所殊大小史與外史何以其蘭臺掌圖籍與 堅元澹何以名乎顧聞所以得館閣之道古者左右史 之道古者東觀禁中之名同乎弘文崇文秘書之號異 勘與馬懷素猪無量何所獨乎賈達丁鴻與張說徐

託言與卻李德裕者熟智願聞所以得史館之道古者 職東家何見數卻太宗觀史與卻文宗者孰賢卻張說 **欧定四車全書** 冀州不察長吏者熟優不肯林火與不肯捕蝗者熟劣 付柱下元功必藏御史何意乎太史必職司馬科斗必 單造賊壘不毀淫祠破機祥與三獨坐者孰負百城聞 補職三百不以私樣設學校變風俗與真刺史者熟勝 與州牧秋重權專與子刺史楊州奏二千石罪與刺史 標人巡省四方與樣史分制諸郡同乎刺史秩早權重 吳之正集

文賦者何以有河橋之敗趙不敢東匈奴不敢悉愈於 請抗強晋而學春秋者何以有陳濤之奔輕裘平呉而 注而上客何以誅設擅罷拜而叔房何以罰漢中可戰 為即韓彭衛霍之功就多靖動光弼之才就愈禁臺簡 風而震煉果賢乎好贓望風而解發果得乎願聞所以 軍被祖立者熟是夘受命辰出師與廟堂朝歌者熟非 則戰非輕乎荆州可和則和非怯乎朝受部夕引道與 得監司之道古者六官掌於司馬孰為将漢唐府衛孰

自ちせんと

こうこうこと 忠信三善就優民不敢欺與民不恐欺熟善顧聞所以 邀當王成何謂賢之不識真卿何以復國德化三異與 伏虎者何似肥鄉之才何以稱益昌山陽之才何以美 河南守者何如道不拾遺虫不犯境與江陵反風不期 海詢川之良果拜守相報見問之功乎河北二十四郡無一 忠豈側門侯進止之過乎由滎陽為田大夫與上蔡雅 毀其家以舒國難者乎胡不敢南突殿不敢顧愈於白 奴未滅何以家為者乎顧聞所以得將即之道古者為

常寺當乎舉司隸之幡與採朱穆皇甫規者就優拒朱 藏部三科歲復增二科何以精國子三百人太學五 百 **郵定四库全書** 送尚書何以精博士弟子領於太常得子國子監隸太 人四門千三百人又何以盛鹿鳴之歌燕室之琴舉成 至二千人何以盛國橋億萬計黌舍千八百室之與每 司徒之教何以别置子弟員五十人而至百人千人 而 制異乎六德六舞干戈羽篇之制何以殊禮樂詩書鄉 得守令之道古者库序學校之名同乎司樂學政學之

藻鑑或賢否雜進與曳白之識,郭非或較 數失實或 無遺才者熟優全計鏡與二十年留得人者熟是或無 如平允與請謁不行者何若山公啟事與二十年天下 而財賦必取之入栗補官乎選官清鑑與詳密者何 不分流品故有引强凝張致相者何法官必取之法律 選部有尚書何所始尚書有吏部吏部有侍郎何所自用人 **泚之亂與褒陳仲舉留陽城者孰勝教牢修之書何** 以乎唯張顯之誣何因乎顧聞所以得學校之道古者 吳文正集

崖之排與蕭育之賢熟優任太子洗馬太子庶子與 多態之夫三箧之才與元城之守節熟優細柳之屯朱 者八元八愷誰之苗裔鄧號毛原何所自出仕者世禄 教子以詣者何故教子以客者何為或謂任子不通 將者熟負父任與兄任熟賢族父任與宗任熟愈乎 校書郎博士弟子者熟勝任侍中司空為郎為中郎 與三衙三衛之制何以殊崇德泉賢與武選之較何以異 大納賄賂與市瓜之識熟多願聞所以得銓遜之道古 火己四巨 白香 其群言之有司將以觀有用之學 子之道若此十二事曷為而不戾於古曷為而可行於分 古今果當乎或謂雜色入流者果宜乎顧聞所以得任 兵文正 集

金岁四月五日 吳文正集卷二